

TREBAKUNTZA 2017-12: ASKO, LUZE, HANDIA

Ahoz zein idatziz, sarritan txarto erabiltzen ditugu “asko”, “luze” eta “handia”. Nahastu egiten ditugu.

AZALPEN OROKORRA

Asko/gutxi: ZENBAT galderari erantzuten diote. Izen zenbakarriekin edo neurgarriekin erabiliko ditugu: *Liburu asko/gutxi irakurri ditut.*

Luze/labur, handi/txiki, gogor/leun: hauek NOLAKOA galderari erantzuten diote, izen neurgaitzekin erabiltzen dira eta intentsitatea adierazten dute.

Txarto: *Gose asko pasa dute. *Min asko egin dit.

Ondo: Gose handia pasa dute. Min handia egin dit.

Hala ere, hemen emandako arauak ez dira beti betetzen. Horrela, **handi**-ren kontrakoa ez da beti **txiki**. Izan ere, zenbaitetan, **gutxi** erabiltzen da. Adibidez:

Honek kalitate GUTXI dauka.

Gaur lan GUTXI daukagu.

Egia esan, gogo GUTXI daukat.

OHARRA: asteriskoz eta kurtsibaz idatzitako esaldiak gaizki daude, eta gainerakoak zuzen.

OHIKO AKATSAK

1. * *Aurkezpena aretoan izango da, frontoian hotz **asko** egiten du eta.*

2. * *Denbora **askoan** egon zen arkitektoaren erantzunaren zain.*

3. * *Proiektu honek Aldundikoaren antz **asko** du.*

Udalerrri Euskaldunen Mankomunitatea

www.uema.eus

Donibane enparantza 1, 1.a
48380 Aulesti
Bizkaia
94-627.91.95

Aialde 2
20180 Oiartzun
Gipuzkoa
943-26.03.72

Enparan kalea 1, 2.a Sindikatu zaharra
20.734 Azpeitia
Gipuzkoa
943-81.66.99

4. * Idazkariak ez zeukan gogo **askorik** gai horren inguruko azalpenak emateko.

5. * Haize **asko zegoen** Gorbeiaiko tontorrera heldu ginenean.

ZUZENKETAK

1. Aurkezpena aretoan izango da, frontoian hotz **handia** egiten du eta.

2. Denbora **luzean** egon zen arkitektoaren erantzunaren zain.
Luzaro egon zen arkitektoaren erantzunaren zain

3. Proiektu honek Aldundikoaren antz **handia** du.

4. Idazkariak ez zeukan gogo **handirik** gai horren inguruko azalpenak emateko.

5. Haize **gogorra zebilen** Gorbeiaiko tontorrera heldu ginenean.

Azalpenotatik zerbait ulertu ez baduzu, edo gehiago sakontzeko ariketarik nahi baduzu, jarri harremanetan UEMAko teknikariarekin edo zure udaleko euskara teknikariarekin:

Telefonoz: 94-6279195 (Iratxe)

Posta elektronikoz: iratxe.udalak@uema.eus (Iratxe)

Hurrengora arte!

Udalerri Euskaldunen Mankomunitatea

www.uema.eus

Donibane enparantza 1, 1.a
48380 Aulesti
Bizkaia
94-627.91.95

Aialde 2
20180 Oiartzun
Gipuzkoa
943-26.03.72

Enparan kalea 1, 2.a Sindikatu zaharra
20.734 Azpeitia
Gipuzkoa
943-81.66.99